



20 19 йил « 6 » 05

№ 08-237

« \_\_\_\_ » \_\_\_\_ 20 \_\_\_\_ год

**Ўзбекистон Республикаси Президентининг  
2019 йил 29 апрелдаги ПФ–5712-сон Фармони ижросини  
таъминлаш тўғрисида**

Ўзбекистон Республикаси Президентининг 2019 йил 29 апрелдаги “Ўзбекистон Республикаси Халқ таълими тизимини 2030 йилгача ривожлантириш концепциясини тасдиқлаш тўғрисида”ги ПФ–5712-сон Фармони ижросини таъминлаш мақсадида

**БУЮРАМАН:**

1. Ўзбекистон Республикаси Президентининг 2019 йил 29 апрелдаги ПФ–5712-сон Фармони (кейинги ўринларда Фармон деб юритилади) ҳамда Ўзбекистон Республикаси олий ва ўрта махсус таълим вазирининг 2019 йил 2 майдаги 400-сон буйруғи маълумот ва ижро учун қабул қилинсин.

2. Фармон билан:

а) Ўзбекистон Республикаси Халқ таълими тизимини 2030 йилгача ривожлантириш концепцияси тасдиқланганлиги ва унда қуйидагилар назарда тутилганлиги:

Ўзбекистон Республикасининг 2030 йилга келиб PISA (The Programme for International Student Assessment) Халқаро миқёсида ўқувчиларни баҳолаш дастури рейтингини бўйича жаҳоннинг биринчи 30 та илғор мамлакатини каторига киришига эришиш;

узликсиз таълим тизими мазмунини сифат жиҳатидан янгилаш, шунингдек профессионал кадрларни тайёрлаш, қайта тайёрлаш ва малакасини ошириш;

ўқитиш методикасини такомиллаштириш, таълим-тарбия жараёнига индивидуаллаштириш тамойилларини босқичма-босқич тадбиқ этиш;

халқ таълими соҳасига замонавий ахборот-коммуникация технологиялари ва инновацион лойиҳаларни жорий этиш;



халқ таълими муассасаларининг моддий-техника базасини мустаҳкамлаш ва бюджетдан маблағ билан таъминлашнинг самарадорлигини ошириш;

ёшларни тарбиялаш ва уларнинг бандлигини таъминлашда мактабдан ташқари таълимнинг замонавий усуллари ва йўналишларини жорий этиш;

давлат-хусусий шерикликни ривожлантириш ҳисобига давлат таълим тизимида рақобат муҳитини кенгайтириш;

ёшлар таълим-тарбияси учун қўшимча шароитлар яратишга қаратилган комплекс чора-тадбирларни ўз-ичига олган бешта ташаббусни амалиётга тадбиқ этиш;

халқ таълими тизимида фаолият кўрсатишнинг жозибадорлигини ошириш мақсадида умумий ўрта таълим муассасалари ходимларининг меҳнатига ҳақ тўлаш, моддий рағбатлантириш ва ижтимоий ҳимоя қилиш даражасини босқичма-босқич ошириб бориш;

б) Ўзбекистон Республикасининг Халқ таълими тизимини 2030 йилгача ривожлантириш концепциясини 2019 йилда амалга ошириш бўйича “Йўл харита”си тасдиқланганлиги ҳамда Концепция тегишли даврга мўлжалланган мақсадли параметрлар ва асосий йўналишлардан келиб чиқиб, ҳар йили алоҳида тасдиқланадиган “Йўл харита”си орқали босқичма-босқич амалга оширилиши белгиланганлиги инобатга олинсин.

3. Лицей ва коллежлар билан ишлаш бўлими (О. Солиев) университет хузуридаги академик лицей директори Ш. Бобоқулов билан биргаликда академик лицей ўқувчиларига Фармон мазмун-моҳиятини тушунтирилишини ҳамда унда белгиланган вазифаларни ўз вақтида, тўлиқ ва сифатли бажарилишини таъминласин.

4. Мазкур буйруқ ижросини назорат қилиш проректор Д. Умаров зиммасига юклансин.

Адлия вазири  
Ўринбосари – ректор

Е. Канъязов